



Republika e Kosovës
Republika Kosova
Republic of Kosovo



Komuna e Kaçanikut
Opština Kačanik
Municipality Kačanik

01 Nr. 60/01-11954/23
Kaçanik, 30.05.2023

Në bazë të nenit 57.1 dhe 57.2 të Rregullores për Punë të Kuvendit, në çështjen e shqyrtimit të Raportit Vjetor të Komitetit për Komunitete, Kuvendi i Komunës Kaçanik në mbledhjen e vet të mbajtur më datë 30 maj 2023, mori këtë:

VENDIM
PËR APROVIMIN E RAPORTIT TË PUNËS SË KOMITETIT PËR
KOMUNITETE PËR VITIN 2022

1. Me këtë Vendim, Aprovohet Raporti 01Nr. 060/01-11954/23- më tekstin e mëtejme: "Raport Pune i Komitetit për Komunitete për vitin 2022" i hartuar nga Komiteti për Komunitete.
2. Raporti Vjetor si në pikën 1. të këtij Vendimi, përmban aktivitetin e realizimit të detyrave nga fushë veprimtaritë që janë në kompetencë të Komitetit për Komunitete dhe nivelin e realizimit të tyre për gjatë vitit 2022.
3. Raporti i Komitetit për Komunitete është i përmbledhur në gjithsej 4 faqe dhe i njëjti është pjesë përbërëse e këtij Vendimi.
4. Ky Vendim hyn në fuqi sipas nenit 17 të Rregullores (MAPL) Nr.01/2017- për procedurën e hartimit dhe publikimin e akteve të komunës.

Me këtë Vendim njoftohen: Komiteti për Komunitete, Kryetari i Komunës dhe Arkivi.



Kryesuesi i Kuvendit
Këmal Murseli



Republika e Kosovës
Republika Kosova
Republic of Kosovo



REPUBLIKA E KOSOVËS
REPUBLIKA KOSOVA
KOMUNA E KAÇANIKUT
OPŠTINA KAÇANIK



I	Data 19.05.2023	Vendi KAÇANIK
Nj. org.	Numri	Shtojcë
01	60/01-11954-1	



Komuna e Kaçanikut
Opština Kacanik
Municipal Kacanik

RAPORT PUNE
I KOMITETIT PËR KOMUNITETE PËR VITIN 2022

Kaçanik, Maj 2023

RAPORT PUNE I KOMITETIT PËR KOMUNITETE PËR VITIN 2022

Komiteti për Komunitete është trup i përhershëm punues i Kuvendit të Komunës. Komiteti për Komunitete është formuar me Vendim të Kuvendit të Komunës 01Nr. 60/01-38151/2021 me datë: 29.12.2021 në përbërje: 5 anëtarë, dhe atë:

- | | | |
|--------------------------|----------------------|---------|
| 1. Lejla Muhaxheri –Çaka | PDK | anëtar |
| 2. Arta Avdiu | LVV | anëtar |
| 3. Betim Shala | LDK | anëtar |
| 4. Ekrem Livoreka | AAK | anëtar |
| 5. Arben Thaqi | OJQ/ Shoqëria civile | anëtar. |

Me Komiteti për Komunitete udhëheq, Ekrem Livoreka, i zgjedhur sipas Vendimit të Komitetit për Komunitete, me shumicë votash, ndërkaq ka pasur kundërkandidat, Arben Thaqin.

Detyrat e Komitetit për Komunitete janë të përcaktuara në Ligjin për Vetëqeverisje Lokale, Udhëzimin Administrativ (MPL) Nr. 05/2020, Statutin e Komunës dhe Rregulloren e Punës së Kuvendit.

Sipas Ligjit për Vetëqeverisje Lokale, detyrat e Komitetit për Komunitete janë: shqyrtimin e politikave komunale, praktikave dhe aktiviteteve për të u siguruar se të drejtat dhe interesat e komuniteteve respektohen plotësisht. Ky komitet i rekomandon kuvendit të komunës masat që duhet të mirren për të siguruar jetësimin e dispozitave që kanë të bëjnë me nevojën për të u avancuar, shprehur dhe zhvilluar identitetin e tyre etnik, kulturor, fetar dhe gjuhësor si dhe për të siguruar mbrojtjen adekuate të drejtave të komuniteteve brenda komunës.

Aktiviteti i Komitetit për Komunitete për gjatë vitit 2022 është zhvilluar në takime të rregullta në bazë të Planit të Punës së Komitetit për Komunitete.

Gjatë periudhës raportuese ky komitet ka mbajtur gjithsej 10 mbledhje të rregullta, ashtu siç janë paraparë në Planin e punës së këtij komiteti, kjo tregon për përmbushje të planit 100%. Mbledhjet e Komitetit për Komunitete kanë qenë të suksesshme dhe konstruktive, prezenca e anëtarëve në mbledhje ka qenë e rregullt, në mbledhje ka mbretëruar një frymë e punës dhe bashkëpunimit në mes të anëtarëve të përfaqësuar në këtë komitet. Për të gjitha mbledhjet e Komitetit për Komunitete është mbajtur procesverbal nga sektori i kuvendit, i cili është aprovuar në mbledhjen vijuese të Komitetit për Komunitete. Procesverbali i mbledhjes është bërë transparent në faqen zyrtare të komunës. Për të gjitha mbledhjet, vlen të përmendet se 4 anëtarë të Komitetit për Komunitete janë kompensuar sipas Udhëzimit Administrativ për kompensimin e stafit politik në komunë, me përjashtim të anëtarit nga OJQ/ Shoqëria civile, Arben Thaqi, kundër se është përcjellë raporti i pjesëmarrjes nga sektori i KK, drejtorisë për Buxhet dhe Financa, arsyetimi i drejtorisë është se nuk është lejuar kompensimi nga MF, me çka e vënë në dilemë anëtarin nga OJQ me qenë pjesë e këtij komiteti edhe tutje.

Në mbledhjen e I-rë e Komitetit për Komunitete është ftuar nga Kryesuesi i Kuvendit të Komunës Kemal Murseli, pas konstituimit të këtij komiteti, është zgjedhur për kryesues të Komitetit për Komunitete, Ekrem Livoreka, i cila ka vazhduar menjëherë më udhëheqjen e mbledhjeve se parë dhe udhëheqjen e të gjitha mbledhjeve të këtij komiteti të mbajtura në vitin 2022. Në mbledhje janë ftuar edhe drejtorët e drejtorive komunale për tema të caktuara për me dhenë sqarime të nevojshme, të cilët kryesisht iu kanë përgjigjur ftesës vet apo kanë dërguar ndonjë zyrtar nga drejtoria përkatëse.

Lidhur me përgjegjësitë e këtij komuniteti, kemi pasur bashkëpunim me zyrtarët e OSBE, materiali i mbledhjes i është dërguar zyrtarëve të OSBEsë Jeton Lika, kemi mbajtur edhe trajnime të organizuara nga OSBE dhe DEMOS. Meqenëse komuna e Kaçanikut nuk ka minoritete, komiteti për komunitete është munduar t'i trajtoj disa tema të cilat i prekin interesat e komuniteteve, OJQ dhe grupeve tjera të interesit, por pa pasur mundësi të bëjë ndonjë zgjidhje.

Ndër çështjet e shqyrtuara të Komitetit për Komunitete janë:

1. Plani i Punës së Komitetit për Komunitete për vitin 2022:

Komiteti për Komunitete ka hartuar një Plan Pune janë paraqitur objektivat e Komitetit për Komunitete për vitin 2022, i cili plan pune është miratuar nga Kuvendi i Komunës. Komiteti për Komunitete gjatë periudhës raportuese është munduar t'i përmbush në një formë objektivat e paraqitur si në këtë plan pune, duke trajtuar çështje që janë në interes të qytetarëve, OJQ apo grupeve tjera të interesit, është informuar dhe ka debatuar për çështje të caktuara, por nuk ia ka arritur sa duhet, sepse çdo objektivë e paraqitur si në planin e punës, ka edhe koston financiare, dhe ky komitet nuk është vendimmarrës. Në vazhdim do t'i paraqesim disa nga objektivat e paraqitura në këtë plan, të cilat i ka shqyrtuar Komiteti për Komunitete.

1.1 Gjendja me pandemie Covit 19 ne komunën e Kacanikut.

Në mbledhje ishte edhe drejtori i DSHMS z Sali Malsiu i cili njoftoj se pandemia Covit 19 ka filluar të zbehet, kurse procesi i vaksionimit po vazhdon ende.

Antaret e komunitetit për komunitete shprehen shqetsimin e tyre për munges të testeve në QMKF dhe munges të testeve rapid nëpër shkolla ku dihet se një numër i vogël i nxënësve të pa vaksionuar, si dhe problemet psikologjike që ka shkaktuar Covidi-19 të komuniteti nxënës direkt dhe indirekt.

1.2 Çështja e pagesës së udhëtimit të nxënësve që janë në gjendje të rëndë ekonomike;

Komiteti për komunitete e vlerëson si politikë të mirë vendimin për kompenzimin e shpenzimeve të udhëtimit të gjithë nxënësve që janë me gjendje ekonomike të vështirë, në mënyrë që nxënësit të vijojnë procesin mësimor e mos të ndërprejnë mësimin, mos rrugën e migrimit jashtë vendit, ku si rezultat i zvogëlimit të numrit të nxënësve mund të vjen deri të shuarja e paraleleve apo mbyllja e shkollave. Kur jemi të çështja e arsimit, Komiteti për Komunitete ka shprehur shqetësim për dukuritë negative të nxënësve në shkolla, përdorimi i narkotikëve dhe bartja e armëve të ftohta, ndërkaq ka kërkuar që drejtorja e Arsimit, prindërit dhe policia e Kosovës të bashkërendojnë aktivitetet që dukuritë e tilla të ndalen.

1.3 Rastet Sociale në Komunën e Kaçanikut;

Për këtë temë Komiteti për Komunitete ka debatuar në një mbledhje, ka ftuar zyrtarët përgjegjës për me marrë informacione lidhur me rastet sociale në komunën e Kaçanikut. Për këtë temë, për kundër gjendjes së rëndë ekonomike, nga drejtori i QPS, Xhelal Gashi, mësuam se ka një rënje të lehtë të personave që kërkojnë ndihmë sociale. Për të gjithë ata që aplikojnë, ai theksoj se dokumentacioni shqyrtohet brenda 45 ditëve, iu bëhet vizitë në shtëpi, mirëpo në kohën e Covid-19, ishte me e vështirë me realizuar vizita. QPS i bëhet auditim – kontroll nga ministria. Komiteti për Komunitete ka qenë i intersuar të di se a ka strehimore për rastet e dhunës në familje. Edhe për këtë çështje u mësu se ka strehimore që strehojnë rastet e tilla, në komunat tjera, ndërkaq në komunën e Kaçanikut nuk ka strehimore të tillë.

1.4 Ndarja e granteve dhe subvencionet;

Në këtë temë, ka raportuar drejtoresha e Kulturës, Rinisë dhe Sportit, Hafize Sallahi për aktivitetet e zhvilluara dhe për të gjitha grantet dhe subvencionet që kanë përfituar OJQ, të kulturës, sportit dhe rinisë. Në formë të detajuar janë dhënë me shifra të gjithë përfituesit e subvencioneve të ndara me buxhetin e vitit 2022 në drejtorinë e Kulturës si dhe aktivitetet që kanë zhvilluar përfituesit e subvencioneve.

Ekrem Livoreka kishte një pyetje për drejtoreshën për transparencën dhe ndarjen e drejt sipas kërkesave dhe projektëve të dorzuar .

1.5 Gjendja e bizneseve në Komunën e Kaçanikut;

Komiteti për komunitete në bazë të vizitave që iu kanë bërë disa nga bizneseve, shprehin shqetësimin për gjendjen e rënduar të tyre, sidomos të bizneseve të vogla, të cilat janë në shuarje e sipër për shkak të pandemisë si dhe mos subvencionimi i tyre nga ministria apo komuna. Komiteti për Komunitete ka kërkuar që të ndihmohen këto biznese që mos të vjen deri të shuarja e tyre, sepse nëse nuk ndihmohen, problem e kanë këto biznese të të mbijetojnë se nuk mund të paguajnë as qiranë. Shuarja e biznesve të vogla, mund të ndikoj të të rinjtë për me migruar jashtë vendit, për me siguruar ekzistencën e tyre dhe familjen.

Në fund u pajtuam që bizneset të ndimohen si ata startup dhe bizneset të cilat kishin vështërsi nga mbyllja totale përshkak të pandemisë.

1.6 Aktivitetet rinore në komunën e Kaçanikut;

Komiteti për Komunitete u informuam nga zyrtari për Rini, Fatmir Çaka për OJQ rinore të cilat funksionojnë në komunën e Kaçanikut, si BONEVET dhe KVRL, të cilat OJQ dallojnë për nga forma e formimit të tyre, mjetet të cilat i kanë këto OJQ për aktivitetet e tyre, ndërkaq shtoj se sigurmimin e zyreve e ka obligim komuna, janë më zyre në shtëpinë e kulturës. Këto OJQ duhet të përcjellin planprogramin e drejtorisë së Kulturës dhe të konkurrojnë me projekte. 70 mijë euro janë të ndara në programin e rinisë, ka edhe aktivitete të tjera që organizohen me organizata të tjera ndërkombëtare, si USAID dhe Banka Botërore. Komuna e Kaçanikut, ka qenë në mesin e dhjetë komunave përfituese të projektit "Komuna për të rinj" e financuar nga Banka Botërore dhe Qeveria Japoneze. Për aktivitet që u ceken në cilësinë e përfaqësuesit të OJQ-se, Arben Thaqi theksoj se asnjëherë nuk kam pasur asnjë ftesë konkretisht për këto subvencionet që janë dhënë nga Qeveria Japoneze, andaj kërkoj nga zyrtari për rini të ftohen në ndonjë takim të gjithë OJQ-të e komunës së Kaçanikut.

Rina është e ardhmeja e një vendi dhe si komunitet i komuniteteve kemi kërkuar që ta ruajmë dhe mbrojmë që të kemi një rini të shëndosh dhe mos të largohen apo të abuzohet me ta.

1.7 Sporti në Komunën e Kaçanikut;

Lidhur me sportin në komunën e Kaçanikut, Komiteti për Komunitete mësoj nga zyrtari i sportit, Fatos Vishi se funksionojnë gjithsej 13 klube sportive, ka edhe disa shkolla të futbollit. Klubi i mundjes ka zhvilluar aktivitet në Rumani, ku ka zënë vendin e dytë. Aktivitetin e tyre e zhvillojnë në palestrën sportive, përpos KF "Lepenci" që e zhvillon në stadiumin "Besnik Begunca". Subvencionimi i klubeve sportive bëhet në bazë të rregullores për ndarjen e subvencioneve. Komiteti për Komunitete është i mendimit që të riaktivizohen edhe klubet tjera sportive të cilat kanë funksionuar pas luftës dhe kanë marrë

pjesë në gara sportive dhe të njëjtt janë shuar në mungesë të financimit. Kërkesa e komitetit është që të bëhet subvencionimi i tyre në bazë të kriterëve dhe rezultateve, përfshirë edhe subvencionimin e shkollave sportive dhe të investohet në terrene sportive. Sporti duhet të jetë prioritet i komunes duhet të ketë kriterë në ndarjen e granteve të përfshihen sa ma shume OJQ.

1.8 Krijimi i hapësirave për parkingje;

Komiteti për Komunitete parasheh të nevojshme që komuna në bashkëfinancim me qeverinë të merr veprime të nevojshme për krijimin e parkingjeve nëntokësore, sepse kjo është nevojë për shkak të rritjes së popullatës dhe të autoveturave. Komiteti për Komunitete shpreh shqetësim për shkak të gjobave që iu shqiptohen qytetarëve të komunës në mungesë të parkingjeve, pa fajin e qytetarëve kur vijnë me kryer shërbime në komunë, për shkak se parkingu –autoparku i komunës është i destinuar vetëm për vetura të punonjësve të komunës, jo edhe për qytetarët të cilët kryejnë shërbime. Komuniteti për komunitete shpreh shqetësimin për mos pjesëmarrje të disa drejtoreve dhe zyrtareve në mbledhjet e komunitet qe është në interes të komunitetit por shpresojm se në të ardhmen do të kemi pjesëmarrje në diskutim për zgjedhje të problemeve komunitetit.

Komiteti për Komunitete veprimtarinë e vet do të zhvilloj në bazë të Planin e punës për vitin 2023, ku i ka paraqitur aktivitetet në mbledhje të rregullta dhe aktivitete tjera, i cili plan pune është aprovuar nga Kuvendi i Komunës me 31.01.2023.

Kryesues i Komitetit për Komunitete
Ekrem-Livoreka

